

卷一百八十六



書名 杜氏通典二百卷 嘉靖十八年西樵方獻夫刊本
 撰者 唐 杜佑 撰, 明 王德益、吳鵬 同校
 卷 卷一百八十六
 內容分類 史 政書 歷代通制
 索書號 貴重-17
 編號 B3510400

杜氏通典卷第二十五

職官七

諸卿上 總論諸卿
 少卿附

奉禮郎 主簿 博士
 太祝 兩京郊社署
 太醫署

太樂署 鼓吹署
 太醫署
 太公廟等署

太卜 廩犧 汾祠
 太官署
 珍羞署

良醞 主簿 掌醞署
 武庫署
 武器署
 左右都候

丞 守宮署 主簿 公車司馬令
 丞 諸陵署 主簿 崇玄署

丞 典牧署 主簿 乘黃署 諸牧監
 丞 太廟署 典廐署

司直 丞 評事 監 獄丞

彩色首頁1

東洋文化研究所漢籍目錄 編號: B3510400
 東洋文化研究所漢籍目錄所藏漢籍善本文影像資料庫 索書號: 貴重-17
 漢籍善本文影像資料庫文本杜氏通典二百卷 嘉靖十八年西樵方獻夫刊本
 版權所有: 東京大學 東洋文化研究所
 使用上的注意事項

殉葬多有百數厚葬有棺無槨其居喪日男女不婚

環佩大體與中國髣髴至大康六年為慕容廆所襲破其王依

慮自殺子第走保沃沮武帝以何龕為護東夷校尉

明年夫餘後王依羅遣使詣龕求率見人還復舊國

龕遣督郵賈沉以兵送之爾後每為廆掠其種人賣

於中國帝又以官物贖還禁市夫餘之口自後無聞

蝦夷

蝦夷國海島中小國也其使鬚長四尺尤善弓矢插箭於首令人戴弧而立四十步射之無不中者大唐

顯慶四年十月隨倭國使人入朝

杜氏通典卷第一百八十五終

杜氏通典卷第一百八十六

邊防東夷下

高句麗

東沃沮七余反

挹婁

勿吉

又曰靺鞨

扶桑

女國

文身

大漢

琉球

閩越

高句麗

高句麗後漢朝貢云本出於夫餘先祖朱蒙母河伯

女為夫餘王妻日所照遂有孕及長名曰朱蒙俗言

善射也國人欲殺之朱蒙棄夫餘東走渡普述水至

紇升骨城遂居焉號句麗以高為氏及漢滅朝鮮以

高句麗爲縣屬玄菟郡賜以衣幘朝服鼓吹常從玄菟郡受之後稍驕恣不復詣郡但於東界築小城以受之遂名此城爲幘溝淒溝淒者句麗名城也王莽時發句麗兵以伐匈奴其人不欲行皆亡出塞爲寇盜莽更名高句麗王爲下句麗侯於是貊人寇邊愈甚光武建武八年遣使朝貢帝復其王號其國在遼東之東千里南與朝鮮濊貊東與沃沮北與夫餘接地方二千里多大山深谷無原澤隨山谷而爲居少田業力作不足以自資其俗節於飲食而好修宮室以夫餘別種而言語法則多同而跪拜曳一脚行步皆走凡有五族有消奴部絕奴部順奴部灌奴部桂

婁部本消奴部爲王稍微弱後桂婁部代之其置官有相加對盧沛者古雛大加主簿優台使者阜衣先人其俗淫皆淨潔國中邑落男女每夜群聚爲倡樂好祠鬼神社稷靈星以十月祭天大會名曰賽盟其國東有大穴號隧神亦以十月迎而祭之其公會衣服皆錦綉金銀以自飾大加主簿皆着幘如冠幘而無後其小加着折風形如弁無牢獄有罪諸加評議便殺之沒入妻子爲奴婢婚娶之禮畧無財幣若受幣者謂之賣婢俗甚恥之父母及夫喪其服制同於華夏兄弟則服以三月兵器有甲弩弓箭戟稍矛鈇樂有五絃琴箏篪橫吹簫鼓之屬賦稅則絹布及

粟隨其所有量貧富差等輸之其馬皆小便登山本

蒙所乘馬種即果下也畜有牛豕豕有色其人性凶急有氣力

習戰鬪好寇抄沃沮東濊皆屬焉又有小水貂句麗

作國依水而居漢遼東郡西安平縣北有小水南流入海句麗之別種依小水作居因名

之為小水貂出好弓所謂貂弓是也至其王宮生而開目

能視國人憎之及長勇壯和帝時頻掠遼東玄菟等

郡宮死玄菟太守姚先上言欲因其喪發兵擊之尚

書陳忠曰宮前桀黠先不能討死而擊之非義也宜

遣使弔問因責讓前罪安帝從之明年宮子遂成還

漢生口詣玄菟降詔曰自今以後不與縣官戰鬪而

自以親附送生口者皆與贖直縑人四十疋小口半

之自爾率服東陲少事其後王伯固死有二子長曰

拔奇小曰伊夷模拔奇不肖國人共立伊夷模為王

自伯固時數寇遼東又受亡胡五百餘家獻帝建安

中拔奇怨為兄而不得立與消奴部加各將下戶三

萬餘口詣公孫康降還住沸流水降胡亦叛伊夷模

伊夷模更作新國都於九都山下拔奇遂往遼東有

子留句麗國古維加駁位居是也伊夷模死子位宮

立以曾祖名宮生能開目視及長大果死虐凶音今

王生亦能視句麗呼相似為位似其祖故名之為位

宮宮有勇力便鞍馬魏齊王正始三年宮寇西安平

在遼東五年幽州刺史毋丘儉將萬人出玄菟討之戰

於沸流位宮敗走險追至頰峴懸車束馬登九都山
屠其所都斬首虜萬餘級六年毋丘儉復討之位宮
輕將諸加奔沃沮儉使王頎追之過沃沮千餘里到
肅慎南界劾石紀功又刊九都山銘不耐城而還至
位宮五葉孫釗晉康帝建元初慕容皝音率率兵伐之
大敗單馬奔走皝乘勝追至九都焚其宮室掠男女
五萬餘口以歸釗後爲百濟所殺其後慕容寶以句
麗王安爲平州牧封遼東帶方二國王安始置長史
司馬參軍官後畧有遼東郡至孫高璉東晉安帝義
熙中遣長史高翼獻赭白馬以璉爲營州諸軍事高
麗王樂浪群公宋元嘉中文獻馬八百疋自東晉宋

至于齊梁後魏後周其主皆受南北兩朝封爵分遣
貢使初後魏時置諸國使邸齊使第一高麗次之南
齊武帝永明中高麗使至服窮袴折風中書郎王融
戲之曰服之不章身之災也頭上定是何物答曰此
卽古弁之遺像也自東晉以後其王所居平壤城卽
樂浪郡王儉城自爲慕容皝亦曰長安城隨山屈曲
來伐後徙國內城移都此城南臨淇水在遼東南千餘里城內唯積倉儲器械寇
賊至方入固守王別爲宅於其側其外有國內城及
漢城亦別都也復有遼東玄菟等數十城皆置官司
以相統攝焉其地後漢時方二千里至魏南北漸其
狹纔千里餘至隋漸大東西六千里其
國中書籍有五經三史三國志晉陽秋玉篇字統字

林自璉七葉至元隋文帝時率靺鞨之衆萬餘騎寇
遼西隨遣漢王諒總兵討之次遼水大遭疾疫又乏
糧元復惶懼遣使請罪遂班師至煬帝徵元入朝大
業七年帝親征元帥度遼水東城分道出師頓兵於
其城下高麗嬰城固守帝命諸軍攻之又勅諸將高
麗若降者卽宜撫納不得縱兵城將陷賊輒言請降
諸將奉旨不敢赴機先令馳奏比報至賊守禦亦備
隨出拒戰如此者再三帝不悟食盡師老輸糧不繼
諸軍敗績還者千人而已是行也唯於遼水西拔賊
武列邏置遼東郡及通定鎮而還九年帝復親征乃
勅諸軍以便宜從事諸將分道攻城賊勢日蹙會楊

玄感作亂及書至帝班師兵部侍郎斛斯政玄感之
黨亡入高麗且知事實悉銳兵來追殿軍多敗十年
又發天下兵會盜賊蜂起所在阻絕軍多失期少至
遼水又屬饑饉六軍通相掠奪復多疾疫自黃龍以
東骸骨相屬止泊之處軍人皆積屍以禦風雨死者
十八九高麗亦困弊於守禦遣使乞降囚送斛斯政
以贖罪帝許之頓於懷遠鎮受其降款旋師仍徵元
入朝不至帝更圖後舉會天下大亂不克復行大唐
武德四年遣使朝貢其國建官有九等其一曰吐捩
昨沒樞名大對盧總知國事次曰大大兄次鬱折之
反華言主簿次大大夫使者次阜衣頭大大兄東夷相

傳所謂阜衣先人者也以前五官掌機密謀政事徵
發兵馬選授官爵次大使者次大兄次收位使者次
上位使者次小兄次諸兄次過節次不過節次先人
又有狀古維加掌賓客北鴻臚卿以大夫使者爲之
又有國子博士大學博士舍人通事典書客皆以小
兄以上爲之又其諸大城置僇內星反薩比都督諸城
置處閭近支比刺史亦謂之道使其武官曰大模達
比衛將軍以阜衣頭大兄以上爲之次末客比中郎
將以大兄以上爲之其次領千人以下各有差等又
其國有五部皆貴人之族也一曰內部卽後漢時桂
婁部也二曰北部卽絕奴部也三曰東部卽順奴部

也四曰南部卽灌奴部也五曰西部卽消奴部也碣

石山在漢樂浪郡遂城縣長城起於此山今驗長城

東截遼水而入高麗遺址猶存按尚書云夾右碣石

赴海處今在北平郡南二十里餘則高麗中爲右碣石又平壤城東北有魯陽

山魯城在其上西南二十里有葦山南臨浪水其大

遼水源出靺鞨國西南山南流至安市小遼水源出

遼山西南流與大遼水會大遼水在國西出塞外西

南流注小遼水馬訾水則移反一名鴨綠水水源出東

北靺鞨由山水色似鴨頭故俗名之去遼東五百里

經國內城南又西與一水合卽鹽難水也二水合流

西南至安平城入海高麗之中此水最大波瀾清澈

所經津濟皆貯大船其國恃此水為天塹水濶三百步在平壤城西北四百五十里遼水東南四百八十

里漢樂浪玄菟郡之地自後漢及魏為公孫氏所據至淵滅西晉永嘉以後復陷入高麗其不耐屯有

帶方安市平郭安平居龍文城皆漢二郡諸縣則朝鮮濊貊沃沮之地又遣使請道教

詔沈叔安將天尊像并道士至其國講五千文開釋

玄宗自是始崇重之化行於國有踰釋典其後東部

大人蓋蘇文弒其主高武其主先在位十八年立其高武即元異母弟

姪藏為主自為莫離支此官總選兵猶吏部兵部尚

書也於是號令遠近遂專國命蘇文鬚面甚偉形體

魁傑衣服冠履皆飾以金綵身佩五刀常挑臂高步

意氣豪逸左右莫敢仰視常令武官貴人俯伏於地

登背上下焉七年二月遣使內附受正朔請頒曆許

之八年三月高祖謂群臣曰名實之間理須相副高

麗稱臣於隋終拒煬帝此亦何臣之有朕敬於萬物

不欲驕貴但據有土宇務共安人何必令其稱臣以

自尊大可即詔述朕此懷也裴矩溫彥博進曰遼東

之地周為太師之國漢家之玄菟郡耳魏晉以前近

在提封之內不可許以不臣若以高麗抗禮四夷必

當輕漢且中國之與夷狄猶太陽之與列星理無降

尊俯同藩服乃止貞觀十八年二月太宗謂侍臣曰

高麗莫離支賊殺其主盡誅大臣夫出師弔伐須有

其名因其殺君虐下取之為易諫議大夫褚遂良進

曰兵若渡遼事須尅捷萬一不獲無以威示遠方必更發怒再動兵衆若至於此安危難測太宗然之兵部尚書李勣曰近者薛延陀犯邊必欲追擊但爲魏徵苦諫遂止向若討伐無一人生還可五十年間邊境無事至十一月以刑部尚書張亮爲平壤道行軍大總管自萊州泛海趣平壤又以特進李勣爲遼東道行軍大總管趣遼東兩軍合勢三十日征遼東之兵集於幽州十九年太宗親征渡遼四月李勣攻拔蓋牟城獲生口二萬以其城置蓋州勣又攻遼東城拔之以其城爲遼州六月攻拔白巖城以其城爲巖州遂引軍次安市城進兵以攻之會高麗北部傳薩高

延壽南部高惠真率靺鞨之衆十五萬人來援於安市城東南八里依山爲陣上令所司張受降幕於朝堂之側夜召文武躬自指麾是夜有流星墜賊營中明日及戰大破之延壽惠直率三萬六千八百人來降上以酋首三千五百人授以戎秩遷之內地餘三萬人悉放還平壤城靺鞨二千人並坑之獲馬五萬疋牛五萬頭甲一萬領因名所幸山爲駐驛山命許敬宗爲文勒石以紀其迹遂移軍於安市城南久不尅九月遂班師先遣遼蓋二州戶口渡遼乃召兵馬歷於城下而旋城主升城拜辭太宗嘉其堅守賜縑百疋以厲事君者二十一年李勣復大破高麗於南

蘇班師至頗利城渡白狼黃巖二水皆由膝以下勸
恠二水狹淺問契丹遼源所在云此二水更行數里
合而南流卽稱遼水更無遼源可得也旋師之後更
議再行二十二年司空房玄齡病亟乃謂諸子曰當
今天下清謐咸得其宜唯東討不庭方爲國害主上
含怒意決臣下莫敢犯顏吾若不言可謂銜恨入地
遂封表切諫曰臣聞兵惡不戢武貴止戈當今聖化
所覃無遠不服自上古所不臣者陛下皆能臣之所
不制者皆能制之詳觀古今爲中國患害無過突厥
遂能坐運神冊不下殿堂大小可汗相次束手分典
禁衛執戟行間其後延陀鴟張尋就夷滅鐵勒吐蕃

請置縣州沙漠之北萬里無塵至如高昌叛渙於流
沙吐渾首窺於積石偏師薄伐俱從平蕩高麗逋誅
莫能討擊陛下責其逆亂殺虐人親總六軍問罪
遼碣未經旬日卽拔遼東此聖主之所自知微臣安
敢備說且陛下仁風被於率土孝德彰於配天兼衆
美而有之靡不畢具微臣深爲陛下惜之重之愛之
寶之易曰知進而不知退知存而不知亡又曰知進
退存亡而不失其正者其唯聖人乎由此言之進有
退之義存是亡之機得其喪之理老臣所以爲陛下
惜之蓋謂此也老子曰知足不辱知止不殆臣謂陛
下威名功德亦可足矣拓地開疆亦可止矣彼高麗

者邊夷賤類不足待以仁義不可責以常禮古來以
魚鼈畜之宜從閭畧若必欲絕其種類深恐獸窮則
搏且陛下每決死囚必命三覆進素食停音樂蓋以
人命所重感動聖慈況今兵士之徒無一罪戾無故
驅之於遼城之間委之於鋒刃之下使肝腦塗地冤
鬼無歸令其老父孤兒寡婦慈母親轉音音車而掩泣
抱枯骨而推心足以變動陰陽感傷和氣實天下之
寃痛也伏願陛下遵皇祖老子止足之戒以保萬代
巍巍之名許高麗自新罷應募之衆自然華夷慶賴
遠近肅安臣老病二公朝夕入地謹罄殘魂餘息結
草之誠僮蒙錄此哀鳴則臣死且不朽蓋蘇文死其

子男生嗣立爲其弟男建所逐使其子獻城詣闕高
宗總章元年遣司空李勣伐高麗破其都平壤城擒
其王高藏并男建等平其國下城百七十戶六十九
萬七千二年移高麗戶二萬八千二百配江淮嶺南
山南京西咸亨元年四月其餘類有酋長劍牟岑者
率衆叛立高藏外孫安舜爲王令左衛大將軍高品
討平之其後餘衆不能自保散投新羅靺鞨舊國土
盡入夫餘靺鞨高氏君長遂絕武太后聖曆二年鸞
臺侍郎平章事狄仁傑上表請授安東復其君長曰
臣聞先王疆理天下皆是封域之內制井田出兵賦
其有逆命者因而誅焉罪其君弔其人存其社稷不

奪其財非欲土地之廣非貪玉帛之貨至漢孝武籍
四帝之資儲於是定朝鮮討西域平南越擊匈奴府
庫皆空盜賊蜂起百姓嫁妻賣子流離於道路者萬
計於是推酤市利算及舟車籠天下貨財國用益屈
末年覺悟息兵罷役封丞相爲富民侯然而漢室中
分釁由此起豈不戒哉人有四支者所以捍頭目也
君有四方者所以衛中國也然以蝮蛇在手旣以斷
節全身狼戾一隅亦宜棄之存國漢元帝罷珠崖之
郡宣帝棄車師之田非惡多而好少也知難卽止是
爲愛人今以海中分爲兩運風波漂蕩沒溺至多唯
兵計糧猶苦不足且中國之與蕃夷天文自隔遼東
所守已是石田棘羯遐方便爲鷄肋今欲肥四夷而
瘠中國恐非通典且得其地不足以耕織得其人不
足以賦稅臣請罷薛訥廢安東鎮三韓君長高氏爲
其主誠願陛下興存亡繼絕之義復其故地此之美
名高於堯舜遠矣

東沃沮

東沃沮後漢通焉初衛滿王朝鮮時以其地爲玄菟
郡後爲夷貊所侵徙郡於高句麗西北至光武以其
渠帥爲縣侯不耐爭麗沃沮諸縣皆爲侯國後漢末
猶置功曹主簿諸曹皆濊民作之其諸邑落渠帥皆
自稱爲三老則故縣國之制其國在高句麗蓋馬大

山之東

蓋音合

東濱大海北與挹婁夫餘南與濊貊接

其地東西狹南北長可折方千里戶五千土肥美背

山向海且五穀善田種無大君王有邑落長帥人性

質直強勇便特矛步戰言語飲食居處衣服有似句

麗其葬作大木槨長十餘丈開一頭爲戶新死者先

假埋之令皮肉盡乃取骨置樽中舉家皆共一槨刻

木如生隨死者皆如數焉又有瓦鑿音也置米其中

編懸之於槨戶邊國小迫於大國之間遂臣屬句麗

復置其中大人爲使者使相主領又使大加統之加

句麗官號所謂有馬牛責其租稅貂布魚鹽海中食

羊狗加其所部有大小又發其美女以爲婢妾焉魏齊王

正始五年幽州刺史毋丘檢討句麗句麗王宮奔沃

沮遂進師擊沃沮邑落皆破之宮又奔北沃沮北沃

沮一名置溝婁去南沃沮八百餘里其西北皆與挹

婁接挹婁喜乘船完抄北沃沮畏之夏月常在山巖

深穴中爲守備冬月冰凍船道不通乃下居村落毋

丘儉遣玄菟太守王順追討宮盡其東界問其耆老

海東復有人不耆老言國人常乘船捕魚遭風吹數

十日東到一島上有人言語不相曉其俗嘗以七月

取童女沉海又言有一國亦在海中純女無男人或

傳其國有神井向之輒生子又說得一布衣從海中

浮出其身衣中國人衣其兩袖長三丈又得一破船

隨波出在海岸邊有一人項中復有面生得之與語
不相通不食而死其城皆沃沮東大海中

挹婁

挹婁魏時通焉云卽古肅慎之國也周武王及成王
時皆貢楛矢石弩楛音戶以後千餘年雖秦漢之盛莫
能致也魏常道鄉公景元末來貢獻楛矢石弩弓甲
貂皮之屬其國在北咸山北在夫餘東北千餘里濱
大海南與北沃沮接不知其北所極廣袤數千里表
反土地多山險車馬不通人形似夫餘而言語各異
有五穀牛馬麻布出赤玉好貂所謂挹婁無君長其
邑落各有大人處於山林之間土氣極寒常爲穴居

以深爲貴大家接至九梯好養豕食其肉衣其皮冬
以豕膏塗身厚數分以禦風寒夏則裸袒以尺布掩
其前後其人臭穢不潔作廁於中園之而居無文墨
以言語爲約坐則箕踞以足挾肉啖之得凍肉坐其
上令溫煖土無鹽燒木作灰灌之取汁而食俗皆編
髮將嫁娶男以毛羽挿女頤和則持歸然後致禮聘
之婦貞而女淫貴壯而賤老死者其日卽葬之於野
交木作小槨殺豬積其上以爲死者之糧性凶悍以
無憂哀相尚父母死男女不哭泣有哭者謂之不壯
相盜竊無多少皆殺之雖野處而不相犯有石弩皮
骨之甲國東北有山出石其利入鐵將取之必先祈

神其人衆雖少而多勇力處山險又善射弓長四尺
力如弩矢用楛長尺八寸青石爲鏃鏃皆施毒中人
卽死隣國畏其弓矢卒不能服也便乘船好寇盜隣
國患之東夷飲食類皆用俎豆唯挹婁獨無法俗最
無綱紀至晉元帝初又詣江左貢其石弩至成帝時
通貢於石季龍四年方達季龍問之答曰每候半馬
向西南卧者三年矣是知有大國所在故來焉

勿吉 又曰靺鞨

勿吉後魏通焉在高句麗北亦古肅慎國地邑落各
自有長不相總一凡七種其一號粟末部與高麗相
接二曰伯咄都勿部在粟末之北三曰安車骨部在

伯咄東北四曰拂涅靺鞨部在伯咄東五曰號室部在
拂涅東六曰黑水部在安車骨西北七曰白山部在
粟末東南勝兵各數千而黑水部尤爲勁健自拂涅
以東矢皆石鏃長二寸所居多依山水渠帥曰大莫
拂瞞咄東夷中爲強國諸國皆患之其國有大水濶
三里餘名速末水其地卑下濕築堤鑿穴以居室形
似塚開口於上以梯出入無牛有車馬佃則偶耕車
則步推有粟及麥稌菜則有葵水氣鹹凝鹽生樹上
亦有鹽池多猪無羊嚼米醞酒飲能致醉婦人服布
裙男子衣猪皮裘頭挿虎豹尾善射其父母春夏死
立埋之塚上作屋不令雨濕若秋冬死以其屍餌貂

貂食其肉則多得之俗以溺洗手面於諸夷最爲不
潔孝文延興中其王遣乙力支朝獻乙力支稱初發
其國乘船溯湖音素難河西上至大瀾灑音河沉船於
水南出陸行渡洛孤水從契丹西界達和龍乙力支
還從其來道取得本乘船達其國○隋文帝初靺鞨
國有使來獻謂卽勿吉也勿吉與靺鞨音相近西北與契丹接
每相劫掠與中華懸隔唯粟末白山爲近煬帝初其
渠帥突地稽率其部來降居之柳城遼東之役突地
稽率其徒以從每有戰功從帝幸江東尋放歸柳城
今都大唐聖化遠被靺鞨羯國頗使貢獻詳考傳記挹
婁勿吉靺鞨俱肅慎之後裔

扶桑

扶桑南齊時聞焉廢帝永元初其國有沙門慧深來
至荆州說文云扶桑大漢國東二萬餘里地在中國
之東其土多扶桑木葉似桐初生如笋國人食之實
如梨而赤績其皮爲布以爲衣亦以爲錦作板屋無
城郭有文字以扶桑皮爲紙無兵甲不攻戰名國王
爲乙祁貴人第一者爲大對盧第二者爲小對盧第
三者爲納咄沙國王行有鼓角導從其衣色隨年改
易甲乙年青丙丁年赤戊巳年黃庚辛年白壬癸年
黑有牛角甚長以角載物至勝二十斛車有馬車鹿
車國人養鹿如牛以乳爲酪有赤梨經年不壞多葡

荀其地無鐵有銅不貴金銀市無租估其婚姻法大抵與中國全親喪七日不食袒父母喪五日不食兄弟伯叔姑姊妹喪三日不食設坐爲神像朝夕拜奠不制縗經嗣王立三年不視國事宋孝武帝大明二年罽賓有比丘五人遊行至其國始通佛法像教

女國

女國惠深云在扶桑東千餘里其人容貌端正色甚潔白身體有毛髮長委地至二三月競入水則姪娠六七月產子女人曾前無乳項後生毛根白毛中有汁乳子百日能行三四年則成人矣見人驚避偏畏丈夫食鹹草如禽獸鹹草葉似邪蒿而氣香味鹹染武帝天監六年有晉安人渡海爲風所飄至一島登岸有人居女則如中國人而言語不可曉男則人身而狗頭其聲如犬吠其食有小豆其衣如布築土爲牆其形圓其戶如竇

文身

文身梁時聞焉在倭國東北七千餘里人體有文如獸其額上有三文文大直者貴文小曲者賤土俗歡樂物豐而賤行客不齋糧有屋宇無城郭國王所居飾以金銀珍麗繞屋爲塹廣一丈實以水銀雨則流于水銀之上市用珍寶

大漢

大漢梁時聞焉在文身國東五千餘里無兵戈不攻戰風俗並與文身國同而言語異

琉球

琉球自隋聞焉居海島之中當建安郡東關川水行之東水行五日而至土多山洞其王姓歡斯名渴刺兜不知其由來有國代數也彼土人呼之為可老羊妻曰多拔茶所居曰波羅檀洞墜柵三重環以流水樹棘為藩王所居舍其大十六間彫禽刻獸多闐鏤樹似橘而葉密條纖如髮紛然下垂國有四五帥統諸洞洞有小王往往有村村有烏了帥並以善戰者為之自相立理一村之事男女皆以白紵繩纏髮從頭後盤繞



婦人以羅文白布為帽織闐鏤皮拜雜色紵及雜毛以為衣製裁不一織藤為笠飾以毛羽兵有刀稍弓箭劔鉞之屬編紵為甲或以熊豹之皮王勝木獸令人舉之而行導從不過數十人國人好相攻擊人皆驍健善走難死而耐瘡諸洞各為部隊不相救助兩陣相當勇者三五人相擊射如其不勝一軍皆走遣人致謝即共和解收取鬪死者共聚而食之食皆用手無賦歛有事則均稅俗無文字視月虧盈以紀時節候草枯以為年歲人深目長鼻頗類於胡人縱年老髮多不自無君臣上下之節拜復之禮父子同牀而寢婦人產乳必食子衣以木槽暴海水為鹽木汁

通典卷百六
為酢釀米麴為酒。遇得異味，先進尊長。凡有宴會，執酒者必待呼而後飲。上王酒者亦呼王名，銜盃共飲，頗同突厥歌呼蹋蹄。一人唱，眾人皆和音，頗哀怨。其死者氣將絕，輦至庭浴其屍，以布帛纏之，裹以葦席，襯土而殯。上不起墳，子為父者數月不食肉，有熊羆豺狼尤多，猪鷄無牛羊，驢馬厥田良沃。先以火燒而引水灌之，持一挿以石為刃，長尺餘，濶數寸而鑿之。土宜播種，樹木同於江表，氣候與嶺南相類。俗事山海之神，祀以酒，殺鬪戰殺人，便將所殺人祭其神。煬帝大業初，海師何蠻等云：每春秋二時，天清氣靜，東望依稀似有煙霧之氣，亦不知幾千里。三年，帝令羽

騎尉朱寬入海求訪異俗，得何蠻，遂與俱往。因到琉球國，言不通，掠一人，并取其布甲而還。時倭國使來朝，見之曰：此夷邪，久國人所由也。帝遣虎賁郎將陳稜朝請大夫張鎮州率兵自義安今朝陽郡浮國擊之。至琉球，初稜將南方諸國人從軍，有崑崙人頗解其語，遣人慰諭之。琉球不從，拒逆。官軍稜擊走之，進至其都，頗戰皆敗，毀其宮室，虜其男女數千人而還。

閩越

閩越王無諸按說文閩東越余種故字從門虫及越東海王搖者，其先皆越王勾踐之後也。姓騶氏，秦已并天下，皆廢為君長，以其地為閩中郡。今閩州盡是也及諸侯叛秦，無諸及

搖率越人佐漢擊項籍漢五年復立無諸為閩越王

王閩中故地都東冶今長樂郡地孝惠三年舉高帝時越

功少閩君搖功多乃立搖為東海王都東甌今永時嘉郡

俗號為東甌王至孝景三年吳王濞反吳破東甌受

漢之購殺吳王吳王之子子駒子華亡走閩越怨殺

其父常勸閩越擊東甌至武帝建元三年閩越發兵

圍東甌遣莊助以節發兵會稽遂浮海救東甌未至

閩越引去東甌請舉國徙中國仍率其眾四萬餘人

處江淮之間至六年閩越擊南越上遣大行王恢出

章郡今章郡臨川南康廬陵等郡地大司農韓安國出會稽今吳郡餘杭會稽餘姚東陽臨海永嘉信安縉雲等郡地兵未踰嶺閩越王郢發兵距險

其弟餘善殺王郢使人謝罪天子詔罷兵曰郢等首

惡獨無諸子繇君繇邑號丑不全謀焉乃立丑為越繇

王奉閩越祀餘善已殺郢威行於國天子聞之為餘

善不足復興師曰餘善數與郢謀亂而後首誅郢師

得不勞因立餘善為東越王與繇王並處至元鼎五

年南越反餘善上書請以卒八千從樓船將軍擊呂

嘉等兵至揭揚今潮陽郡以海風波為辭不行持兩端是

時揚僕上書願便引兵擊東越帝以士卒勞倦不許

罷兵令諸校留屯章郡梅嶺今南康郡虔化縣界待命六年秋

餘善聞樓船請誅之漢兵臨境乃遂反遣兵入梅嶺

殺漢校尉帝遣橫海將軍韓說自句章今餘姚縣浮海從

殺漢校尉帝遣橫海將軍韓說自句章今餘姚縣浮海從



東方往樓船將軍楊僕出武林中尉王温舒出梅嶺
元封元年冬咸入東越繇王居股殺餘善降於是天
子曰東越陜多阻閩越捍數數反覆詔徙其人處江
淮間東越地遂虛即今閩州地也為封餘善東越王遂謂之東越

杜氏通典卷第一百八十六終

杜氏通典卷第一百八十七

邊防三南蠻上

序畧

盤瓠種

廩君種

板楯蠻

南平蠻

東謝

西趙

牂牁

交州

僚

夜郎國

滇音顛

邛都

笮都

冉駝

附國

哀牢

焦僥

檀國

西爨

昆彌

尾濮

木綿濮

文面濮

折腰濮

赤口濮

黑羸濮